



100 år med båtbyggjarhistorie

FØREDRAG: Lars Nerhus skal halda føredrag om båtbygging i Ølve på søndag, og fortelja om dei tre generasjonane før han, som bygde båtar på Nerhus.

Fyrstkomande søndag kan ein koma tett på livet på båtbyggjarstaden Øyra, og læra om korleis dei bygde båtar for over 150 år sidan.

Staden Nerhus i Ølve har lange tradisjonar innan båtbygging. Noverande eigar av eitt av dei to tidlegare verfta, Lars Nerhus, skal som ein del av arrangementet på søndag fortelja om historia til slektsgarden.

– Det var oldefar min, Ola H. Nerhus, som starta med båtbygging her, i 1863. Han bygde mange båtar, deriblant hardangerjakta «Mathilde». Han reiste og rundt i distriktet og bygde båtar, og var mykje på Tysnes, fortel Nerhus, som har teke godt vare på arven etter forfedrane.

Fyrste offentlege utstilling

Gjennom fleire tiår har familien Nerhus samla på og kategorisert verktøy og båtmodellar

og anna, frå den tida då det var stor båtbyggjeaktivitet i fjæra på Nerhus. Alt som ein kan sjå av bilete og modellar på utstillinga neste helg, er til vanleg å finna heime i stova til Lars Nerhus. Dette er fyrste gong utstillinga er ope for alle.

– Me hadde same utstilling her for eit par månader sidan, for eit lukka arrangement. Då tok me ned att utstillinga etterpå, fortel Eva Røyane, leiar i kulturnemnda i Ølve bygdelag, som står som arrangør for båtbyggjedagen på søndag.

Stiftinga Kystsogevekenene tok deretter kontakt for å høyra om ikkje dei kunne arrangera noko på Nerhus under Kystsogevekenene.

– Kulturkontoret i Kvinnherad ynskte og at me skulle ha noko her, så då gjekk me med på det, seier Røyane med eit smil.

Prisvinnande båtmodellar

På eigedomen til Lars Nerhus

står det att to bygningar frå båtbygginga, som vert kalla «skuret», eller arbeidshuset, og «saga». På nabogarden, som og dreiv med båtbygging – og som og opnar dørane på søndag – har dei dessutan ei smie, som folk kan sjå seg rundt i.

I saga kan ein sjå mykje av det utstyret som vart nytta av båtbyggjarane på Nerhus før i tida. Lars Nerhus fortel at mykje av det dei har, vart kategorisert på 80-talet, då faren framleis var i live og kunne fortelja kva ting vart nytta til.

– Me fekk ikkje straum her i Ølve før i 1952, så det vart nytta mykje handverktøy. Øksa var ofte den viktigaste reiskapen, seier Nerhus.

I bygget ved sida av, i skuret, finn ein mange gamle fotografi og båtmodellar.

– Dei laga ikkje båtane etter teikningar den gongen, men etter modellar, forklarar Nerhus.

Båtbyggjarane på Nerhus utmerkte seg på det feltet, og

både oldefaren og bestefaren fekk prisar for modellane sine på utstillingar i Noreg og i utlandet. Desse modellane kan ein sjå viss ein vitjar Øyra på søndag.

Eit program for alle aldrar

Båtbygging var ein stor industri i Kvinnherad i vel 100 år, og gav jobb til mange. På begge Nerhus-verfta jobba det om lag 30 personar til saman når det var mykje aktivitet, fortel Nerhus.

Og aktivitet var det ein del av. Det vart bygd mange båtar på Nerhus mellom 1850 og 1960. Men vil du vita meir detaljar, lyt du ta turen til Ølve på søndag. Då skal nemleg Nerhus halda føredrag om båtbygging i Ølve.

Ei veke før utstillinga er det igjen mykje aktivitet på båtbyggjarstaden. Frå Kulturnemnda er Eva Røyane, Rita Martens Meyer og Njål Vidar Traavik på plass, for å hjelpa til med å leggja siste hand på verket.

Dei målar skilt og gjer alt klart for det dei vonar blir mange gjester.

– Eg trur dette er noko som kan vera kjekt for både besteforeldre, og små born. Så eg håpar det kjem familiar med folk i alle aldrar, seier Eva Røyane.

Ho fortel at dei har tenkt å ha eit båtbyggjeri for småbåtar, som born kan laga, og eit lite basseng som dei kan segla dei i. Elles vert det sal av kaffi, vaflar og pølser, til grilling på bålet.

Og viss vèrgudane er med dei, kjem Oddvar Meland, frå Tysnes Kystlag, med ein gavlabåt eller to.

– Det er for å ta born med ut på rotur på sjøen. Men det er vèret som avgjer om akkurat det blir noko av, seier Oddvar Meland.

RANDI KLEPPE
randi@tysnesbladet.no



PREMIERTE: Modellane til oldefaren til Lars Nerhus vart premierte på mellom anna ei utstilling i Stockholm.



SKURET: På berget framføre skuret på Nerhus har det blitt bygd mange båtar opp gjennom tidene.



DUGNAD: Ei veke før utstillinga, var grunneigar og medlemmar frå kultur-nemnda i Ølve bygdela på plass for å gjera alt klart. F.v. Njål Vidar Traavik, Rita Martens Meyer, Eva Røyane og grunneigar Lars Nerhus.



SAGA: Inne i saga er det mykje historie i veggane.



HEILT TOPP: Gunnar Engevik (i midten) i Bris skrytte over stemninga i Tysneshallen på Dansegallaen i fjor. (Arkivfoto)

I full swing med Dansegallaen

Laurdag skal alt vera klart til dansebandkvelden, som blir arrangert i Tysneshallen for 13. gong.

– Det som skal gjerast på førehand er klarert, men dei siste dagane blir det mykje jobbing og førebuing, fortel Lars Petter Epland.

Han er primus motor for seinsommaren sin store happening, saman med

resten av Tysnes Musikkklag og Tysnes skulekorps.

– Me skal mellom anna køyra bort bord og stolar, og bygga scenen, forklarar Epland.

Nytt band

Til Dansegallaen kjem tradisjon tru to band. Det eine er Bris som har vore med ein del år, og det andre bandet heiter Mona-Jill band,

som er eitt nytt band frå Oldedalen i Nordfjord.

– Me held på heile kvelden, så dei som har god kondis kan dansa i seks timar, meir eller mindre non stop, seier Epland.

Nytt for i fjor var eit lyd-dempande teppe, slik at det er betre høve til å slå av ein prat i vrimlearealet i Tysneshallen, utan å bli forstyrra av musikken.

– Tidlegare har det vore litt vanskeleg i hallen med tanke på lyden, men no ordnar det seg. Dessutan er det god plass til å dansa, seier Epland.

– Kjem frå Sotra

Han vonar at mellom 300 og 400 personar vil finna vegen til Tysneshallen denne kvelden.

– Dei siste dagane byrjar folk å kjøpa billetter, men dei aller fleste kjøpar same dag, forklarar Epland.

– Kjem folk frå andre stadar enn Tysnes?

– Dei kjem i bubilar og båtar frå bergensområder, og spesielt Sotra. Det går rykte om at dette er eit kjekt arrangement. Bubilcampen ligg også i kort avstand til Tysneshallen.

Dansegallaen blir marknadsført som ein del av Kystsogevakene.

KRISTINE NÆSS THORSEN
kristine@tysnesbladet.no

Drøymer om å få spela på Anfield

I helga deltok fem Njardar/Tysnes-spelarar på fotballskule i regi av Liverpool.

– Det var kjempegøy. Me lærte masse. Det var mykje skot på mål, og finting, fortel Jonas Hagen Lunde (12) ivrig.

Å vera på fotballskule med profesjonelle trenarar frå Liverpool International Football Academy var stor stas.

– Liverpool er favorittlaget mitt i Premier League, og det var kjekt å få vera med trenarane frå det laget eg liker, seier Jonas.

Bra opplegg

Mor Anita Hagen var ein av foreldra som reiste med til fotballskulen i Bergen.

Ho fortel om eit flott opplegg, som varte frå fredag til søndag. Vêret var ikkje det beste, men det stoppa ikkje tysnesgutane frå å ha det kjekt på fotballbanen.

– Dei koste seg veldig. Ungane blir godt tekne vare på, seier ho.

Fotballspelarane var i aksjon frå halv ti til tre, med innlagt fruktpause og lunsjpause.

– Det kostar litt når det er tre dagar, men det er vel verd pengane fortel Anita.

Jonas var med i fjor også, og i år var det fem gutar



SOLID INNSATS: Hans Martin Hansen (f.v.), Jonas Hagen Lunde, Jonas Siglevik Lunde, Alvin Siglevik Lunde, Nickolas Flatråker Siglevik viser nøgd fram ball og diplom etter Liverpool-fotballskulen i Bergen. (Foto: Gunnar Hansen)

i ulike alder frå Njardar/Tysnes som var med på fotballskulen.

Liverpool-familie

– Heile familien er Liverpool-fan så det var ekstra stas for Jonas å få vera med, seier Anita.

Samlinga blei avslutta med ein cup, der Jonas hamna i fokus på slutten.

– Eg scora dei to måla i finalen, fortel han stolt.

– Korleis kjendest det?

– Det var veldig gøy, seier han smilande.

Jonas er sentral midtbanespelar, og er glad i å vera på fotballbanen. Målet er å

koma på A-laget til Njardar/Tysnes om nokre år. Men draumen om Anfield ligg i bakhovudet på tysnesingen.

Meir fotball

– Det hadde vore kjempegøy å få spela på Anfield, men det er jo vanskeleg å få til, seier Jonas.

Men om Jonas får moglegheita til å vera med på Liverpool sin fotballskule neste sommar også, er han ikkje i tvil om kva han skal svara.

– Ja, det er veldig kjekt, så det har eg har lyst til, seier Jonas kjapt.

INGUNN GJÆRDE
ingunn@tysnesbladet.no

SOMMERMØTER

JENSVOLL BEDEHUS

Tid: 23 – 27. august

Taler: Magne Birkedal

Onsdag til fredag kl 19.00

Lørdag og søndag kl 18.00

Alle er hjertelig velkommen.

Misjonssambandet



Lokalavisa er best for å annonsere i eit truverdige miljø. Ta kontakt med lokalavisa di i dag.



Lokalavisa er best for å annonsere i eit truverdige miljø. Ta kontakt med lokalavisa di i dag.



Vil du jobbe i lokalavis?

Her er ledig stilling:



vol.no
Vesterålen Online

søker 1-2 journalister til Sortland

Les annonsene på
medier24.no/stilling



i samarbeid med

M24

Kystkultur - tradisjon og utvikling...

Kystsoge vekene

Fredag 18. august

Austevoll Kystsogedagar på Bekkjarvik 20-23

Laurdag 19. august

Tysnes Dansegalla i Tysneshallen 20-01

Os Kystsogedag ved Vedholmen 10-15

Utstillingsopning Vedholmen Galleri 14-16

Sundag 20. august

Kvinnherad Båtbyggjardag i Ølve 13-16

Museumsdag på Rød Bygdetun 14-17

Os Trollbundet av Ole Bull, Lysøen 1030-1610

Sjå fullt program på

www.kystsogevkene.no

Stiftinga Kystsogevkene

www.kystsogevkene.no



TYSNES KOMMUNE INFORMERER

www.tysnes.kommune.no

KULTURSKULEN – LEDIGE ELEVPASSAR

Kulturskulen har no ledige elevplassar på:

Grupper:

- Dans/barneballet (Torsdager) 4-15 år
- Aspirantopplæring til korps(messing)

Einskildeundervisning:

- Piano
- Messing(kornett-trompet-horn-baritone-trombone-eufonium-tuba)
- Song
- Slagverk
- Gitar

Info/Søknadsjema: tysnes.kommune.no
- kulturskule

Spørsmål/kontakt: yngve.nikolaisen@tysnesoppvekst.no
SMS: 468 15 697

Oppstart neste veke

OPNINGSTIDER FOR TYSNES FOLKEBIBLIOTEK FRÅ 21.08-17

Måndag : 10:00 - 18:00

Tysdag : 17:00 - 20:00

Onsdag : 12:00 - 20:00

Torsdag : 17:00 - 20:00

Frå 21.08 til 31.08 blir det kunstutstilling på biblioteket.
Alle som stiller ut er tysnesingar.

LEDIGE STILLINGAR

I Tysnes kommune er det ledig følgjande stillingar:

Tysnes sjukeheim, Uggdal:

Sjukepleiar, 66% natt

Helsefagarbeidar, 66 %, natt, vikariat

Uggdal skule

Reinhaldar, 63,08%

Lærar, 68%, vikariat for skuleåret 17/18

Assistent, 50 %

For meir informasjon, sjå utlysing på

www.tysnes.kommune.no

Søknadsfrist 31.08.17

MØT SENTERPARTIET!



Parlamentarisk leiar i Senterpartiet, Marit Arnstad og 1. og 2. kandidatane i Hordaland Kjersti Toppe og Nils T. Bjørke kjem til Tysnes måndag 21. august.

Møt dei og ta opp saker på Sp sin stand i Våge kl. 1330 - 1400.

Tysnes Senterparti



DANSEGALLA

MONA-JILL BAND og BRIS



Laurdag 19. august kl. 20.00 i Tysneshallen

Buss: frå Hodnanes kl. 19.00 via Onarheim og Lunde.

Frå Økland (Flatråker) kl. 19.30 via Uggdal. Retur kl. 02.00.

Bill. kr. 350 - Bill.sal: Tysnes bl. & interior / ved inng. - Bubilcamp
Sal av mat, øl og vin - Aldersgr. 18 år - Arr. Tysnes Musikklag

Knut redder liv



Han trenger din hjelp for å gjøre jobben sin

For bare kr 6,50 per dag blir også du en livredder. Bli fast giver i dag og send REDD LIV til 2366 (200 kr). Du kan også bli fast giver ved å kontakte oss på post@rs.no eller telefon 06757. Sammen redder vi liv.

Redningsselskapet er en humanitær organisasjon. Vi redder liv langs norskekysten i all slags vær - dag og natt.
RS.NO



PRØV EI ANNONSE DU OG!

Tysnesbåt fekk 2. plass i NM

Båten Seira stakk av med ein flott andreplass under noregsmeisterskapet i Oselvar i helga. Svein, Åshild og Sindre Økland var på laget som fekk andreplass.

Båtlaget Njord/Tysnes stilte med fleire båtar under konkurransen, som i år vart arrangert i Austevoll.

Men ingen kunne hamla opp med vinnarane.

– Det var utklassing av vinnarlaget frå Milde båtlag, fortel Kristin Teigland Gjerstad Kleppe.

Av seks race vann vinnar-båten Terna fem av dei.

Sjølv hamna båten til Kleppe på ein 13. plass.

– Det var ei fin helg, med veldig flotte forhold, fortel ho.

Men Kleppe var glad for at dei hadde ullstilogens med, for det var ikkje noko sommartemperaturar ute på havet.


– Det regna godt, men me hadde godt med vind i segla, seier Kleppe.

På grunn av at været var så dårleg fredag, vart det ikkje mykje sømn for Kleppe og familien. Dei reste klokka fem laurdag morgon, for å nå starten i Austevoll i tide.

Gjerstad-slekta var godt representerte under stemnet, og stilte til start i fleire båtar.



SAMLA: Rundt 30 personar hadde teke turen, og då sola kikka fram vart dei framme foreviga med dette biletet. (Foto: Reidun Skartveit)



FIN SONG: Harald Gjøvåg song inne i fjellstova på Skartveit. (Foto: Reidun Skartveit)

GRATULERER



4 ÅR Markus Bjordal Brenne

Verdens beste Markus fylte 4 år 18/8. Gratulerer så mykje med dagen!

Store klemmer frå Kristian, Andreas, mamma og pappa



8 ÅR Rasmus Hustad

Hipp hurra for vår herlige Rasmus som fyller 8 år den 17. august!

Du er god som gull og me er evig glad i deg.

Klemmar frå Jenny, Lilly, mamma og pappa og Nemo!



8 ÅR Isak Mathias Holme

Denne glade fotballgutten fylte 8 år torsdag 10. august. Vi takker for flott og koselig feiring på Holma søndag! **Hilsen kommer fra besteforeldre, tanter, onkler, kusiner og fetre på Tysnes, Stord og i Bergen.**

Hilsen Mari Mette, Espen og Hanne.

70 ÅR

Åse Skorpen - 19.august

Hipp hurra for farmor/bestemor som på lørdag fyller 70 år. Bedre farmor/bestemor kan me ikkje få, du stiller opp for store og små. Du har alltid plass til oss på ditt fang, du leser bøker og lærer oss sang. Du høyrer på oss med lyttande øyre, alt me fortel har du tid til å høyre. Din tolmogighet er eit under og det har gitt oss mange fine stunder. Me maser og spør og får alltid svar, mykje kunnskap fra deg me har. No er me alle spreidd rundt i landet, men alle tenker me akkurat det samme: Me håper du no får ein fantastisk dag, så samlast me alle neste år til «felles-dag». Me er kjempeglad i deg.

Klem fra alle barnebarna m/foreldre



80 ÅR Olav Hjertager

Min mann, Olav Hjertager, fyller 80 år 22. august.

Jeg gratulerer deg hjerteligst med dagen.

Jeg er masse glad i deg!

Beste hilsen Torbjørn



DIAMANTBRYLLAUP 17.8.-2017

Grethe og Gunnar Anfinen Kjære søster og svoger! Vi sender vår hyllest på denne store dag! Tenk, 60 år har de fått oppleve i lag. Vi tek med humør og pyntar oss til festen – så veit vi at de vil syta for resten. Gratulerer x 3!

Gunnor - Tulla - Turid

SØNDAGSORDET



Vil du..?

MATT. 23. 37-39.

ANNBJØRG HELLAND
SÆVAREID

Det blir fortalt om ein stor brann som gjekk over prærien for lenge sidan.

Folk og dyr kom seg unna dei veldige flammene, men ei høne var mest opptatt av å samle kyllingane sine for å redde dei. Då det ikkje var nokon veg utanom breidde ho vengene sine over kyllingane og la seg ned for å verne dei.

Då brannen var sløkt og opprydningsarbeidet var i gang fann dei ei forbrent og død høne mens alle kyllingane trippa fram under vengene hennar lys levande. Hønemora gav livet sitt for sine.

I Matt. 23.37. talar Jesus til folket i Jerusalem der han mellom anna seier: «Kor ofte eg ville samla borna dine som ei høne samlar kyllingane sine under vengene. Men de ville ikkje». Det er som ein kan høyra den såre tonen når Jesus seier dette. «Men de ville ikkje...»

Jesus gav livet sitt for alle, utan unntak. Ingen har større kjærleik enn den som gir livet sitt for venene sine, sa Jesus ein annan gong. Det var det han gjorde, han gav livet sitt for oss for å berga oss frå evig ulykke. Me er ikkje i stand til å redde oss sjølv, derfor er det meningslaust å takke nei til den redninga som allereie er ordna for oss. Jesus ville samle folket i Jerusalem, men ikkje berre dei, han vil ha alle under sine venger, og alle var medrekna då han gav livet sitt på krossen, - du og. Vil du..?

Det er godt å kjenna Jesus! Når det stormar rundt meg her legg han armen trygt omkring meg. Alltid er han like nær. Sjølv når lampa mi vil sløkna og eg ikkje ser hans veg, kan eg lita på hans leiing. Han går aldri bort frå meg.

Det er godt å kjenna Jesus. Har du møtt han også du? Han er sanninga og livet, sjølv vegen inn til Gud. Når du opnar opp for Jesus kan du trygt få kvila i at di syndeskuld er sona. Blodet hans har sett deg fri.

PREIKELISTA

20.08 Ugddal kyrkje kl. 11.00
Gudsteneste v/Fridleif Lydersen
Offer:

27.08 Onarheim kyrkje kl. 11.00
Gudsteneste v/Espedalen
Offer:

BRYLLUP



Vår kjære søster/svigerinne Aina Kaastad og svoger Eirik Sætre gifter seg i Fana kirke 26. august klokken 14.00. Bryllupsfesten holdes på Bjørnefjorden Gjestetun, og vi gleder oss masse!

Hilsen Mari Mette, Espen og Hanne.

*Tysnes og
Sunnhordland
Gravferdsbyrå*

Vakttelefon: 53 43 40 30